

本草品彙精要

本草品彙精要卷之二十六

禽部上品

二種神農本草經

朱字

二種名醫別錄

黑字

一種唐本先附

注云唐附

四種今分條

一種今移

九種陳藏器餘

已上總一十九種

丹雄雞

頭肪腸胙脰屎白翮羽附

白雄雞

今分條

烏雄雞

今分條

黑雌雞

今分條

黃雌雞

今分條

雞子白

今分條

白鵝膏

毛肉卵蒼鵝附

鶯肪

白鴨屎家鴨附

鸕鶿

唐附

鴈肪

魚狗

自陳藏器今移

九種陳藏器餘

鵲瑁

鷓鴣

陽鳥

鳳凰臺

鷓鴣

巧婦鳥

英雞

駝鳥矢

鳩鵲

本草品彙精要卷之二十六

禽部上品

羽蟲

丹雄雞

無毒附頭肪腸
胙胙屎白翮羽

卵生

丹雄雞

出神農
本經

主女人崩中漏下赤白沃補虛溫中

止血通神殺毒辟不祥○頭主殺鬼○肪主耳聾○

腸主遺溺○胙胙裏黃皮主洩痢○屎白主消渴傷

寒寒熱○翮羽主下血閉○雞白蠹肥脂

以上朱字
神農本經

久傷乏瘡

以上黑字
名醫所錄

地

圖經曰雞本經云雞白蠹肥
脂出朝鮮平澤陶隱居云朝

鮮不應總是雞所出而云白蠹不知何物恐別是一種耳開寶註便謂之雞入藥用蓋取朝鮮者良今處處人家畜養甚多不聞自朝鮮來也衍義曰丹雄雞今言赤雞者是也蓋以毛色言之吳爲雞爲風雞鳴於五更者日將至吳位感動其氣而鳴也體有風人故不可食經註皆不言雞發風今體有風人食之無不發作爲雞爲吳信可驗矣食雞者當審慎之謹按丹雄雞出神農本經烏白雄雞黃黑雌雞皆名醫所附蓋雞之色類雖多而體之所具者莫不同有也惟雌雄及卵爲異爾故蜀本云雞子黃及白用黃雌雞者膽心肝腸肪胗胗及糞用烏雄雞者丹雄雞用頭烏雌雞用翮羽似爲詳矣當時以丹雄雞之文而附具諸雞條下者蓋各從其類爾掌氏因襲至此用者不無致疑於其間也今以神農朱書撫集於丹雄

雞之下名醫諸雞主療功用隨類墨書于次其卵仍立一條若此則今古之文不紊而其取用有所歸矣

時 **生** 無採 無用 肉 肪 腸 頭東門上者良 **色** 赤

味 甘 **性** 微溫 **氣** 氣厚於味 **臭** 腥 **治** 療素問云雞矢醴

則不能暮食名為鼓脹圖經曰尿白為末量方寸七

水六合和溫服療轉筋入腹日華子云冠血療白癥

風。糞治白虎風并傳風痛。肝入補腎方。胘胘

裏黃皮止泄精并尿血崩中帶下腸風瀉痢孟詵云

患白虎痛風者可鋪飯於患處使雞食之良又取熟

糞封之別錄云冠血主百蟲入耳不出以滴耳中即

出及傳蜈蚣蜘蛛毒又治小兒卒驚似有痛處不知

疾狀者取少許塗兒口上瘡又塗馬咬瘡有毒疼痛

効若牡馬用雌牝馬用雄并主自縊死安定心神徐

緩解之慎勿割繩斷抱取心下猶溫者取滴口中立

活男用雌女用雄又救卒死或先病或常寢臥奄忽而絕皆是中惡取塗其面乾後復塗并以灰營死人一周又療卒得浸淫瘡轉有汁多起於心不早治之延及周身則殺人傳之瘥。尿白傳蚰蟥咬良又燒研水服方寸匕療食藥中毒發狂悶吐倉米飲下療下欲死及療妒乳并乳頭破裂及癰腫倉米飲下療小兒驚啼。乾尿白末合熱酒下一錢匕療肝風虛轉筋入腹。尿白如棗大合酒半盞療自縊死灌入口鼻中立活。尿白一升熬令黃極熱合酒二升攪和去滓服療中風寒瘕直口噤不知人。尿白燒灰綿裹治齒痛不可忍安痛處咬之立瘥。尿白一升合大豆五升炒令變色乘熱以酒沃之微煑令豆味出量性飲之覆身出汗慎勿觸風治因瘡中風腰脊反張牙關口噤四肢強直。糞三七枚水二升煎取五合下米作粥主子死腹中不出。尿白日中曬半乾熬令燥末合漿飯飲方寸匕治石淋。尿燒灰合

酒空心服方寸匕
療產後小便不禁
禁雞具五色者食之致狂。雞死
五歲以下未斷乳
者勿與雞同食
忌雞兔同食成洩痢。肉
和魚肉汁食之成心瘕

白雄雞

卵生

白雄雞肉主下氣療狂邪安五臟傷中消渴

名醫所錄地

圖經曰處處人家畜養之陳藏器云白雄雞三年者
能為鬼神所使經云除狂邪安五臟良有自矣今惟
烏骨金睛翠耳者為
世所貴入藥尤良
時生無採無時
用肉脞脞裏

尿白翅
下毛距
色白
味鹹
性微溫
氣味厚於氣
臭腥
製治如
食法

治

療唐本注云腦主小兒驚癇日華子云肉調中除

邪利小便去丹毒。脞脞裏黃皮止泄精尿血

崩中帶下腸風瀉痢陳藏器云屎炒服主蟲咬毒別錄云取翅下第一毛兩邊各一莖燒灰研水調服治諸癰不消已成膿懼針不得欲令速快者食以一隻煮熟合五味作羹粥自智驕倨妄行不休者距及腦燒灰合酒服主產難。以一隻合苦酒一斗煮取三升分三服治卒得嗽。白雌雞屎隨多少合小便內器中火禁白頭家熬令燥爲末每服方寸匕多服之療諸瘕雞及雞死足爪不伸者食並害人

烏雄雞

無毒

卵生

烏雄雞肉主補中止痛○膽微寒主療目不明肌瘡○心主五邪○血平主踠折骨痛及痿痺○肪寒主

耳聾○腸主遺溺小便數不禁○肝及左翅毛主起

陰○冠血主乳難○胘胘裏黃皮微寒主洩利小便

利遺溺除熱止煩○尿白微寒主消渴傷寒寒熱破

石淋及轉筋利小便遺溺滅癥痕名醫所錄地圖經曰處

養之惟羽純黑無時生無採無用肉膽心及血

雜色者入藥殊好時時時肪腸肝左

翅毛冠血胘裏黃皮尿白胘色黑味甘性溫氣氣厚於味製理

食治療日華子云止肚痛除風濕麻痺安胎治折傷

法井癰疽生胘竹木刺不出者○胘胘裏黃皮

止泄精并尿血崩中帶下腸風瀉痢孟詵云止心痛

除心腹惡氣○三年冠血點目背上日三度療目淚

不補日華子云補虛羸孟詵云以一隻如食法五味
止汁和内一器中封口重湯煮之使骨肉相去虛
弱人食之甚補益
倉肝一具勿令入水切過合酒服盡療卒
腹疼痛安胎。尾毛二七枚燒灰合小兒
乳汁和塗刺在肉中不出者即瘥。臘月屎一升炒
黃爲末絹袋盛之合酒三升漬溫服之常令醺酣療
風頭

黑雌雞
無毒

卵生

黑雌雞主風寒濕痺五緩六急安胎。血無毒主中

惡腹痛及踠折骨痛乳難。翮羽主下血閉。名醫所錄
地

圖經曰處處人家畜養之蜀本云
血及翮羽去病黑雌雞者最優
時
生
無
採
無
時
用
肉

血 翮羽 **色** 黑 **味** 甘 **性** 溫 **氣** 氣之厚 者陽也 **製** 如食 **治** 療 日華子

定志除邪辟惡氣治血邪破心中宿血及治癰疽排膿。膽治眈目耳痛瘡日三傳良。腸治遺尿并小便多。糞治中風失音痰逆消渴破石淋利小腸餘瀝傳瘡癢滅癰痕炒服治小兒客忤蠱毒。翼治小兒夜啼安席下勿令母知**食療**云肉除反胃消**補**日乳癰。膽汁傳月蝕瘡遠耳根者日三度良 華子云主產後虛羸**膏**以一隻治如食法合好酒漬半養新血益色助氣**膏**日出雞服酒療卒得嗽。又合五味炒熟香即投二升酒中封口經宿取飲之令人肥白又合烏麻油二升熬令黃香末入酒飲盡極効

黃雌雞 無毒

卵生

黃雌雞主傷中消渴小便數不禁腸癖洩痢補益五

臟續絕傷療勞益氣。○ 肋骨主小兒羸瘦食不生肌

名醫

地

圖經曰處處人家畜養之蜀本云雞子以此產者入藥為良故析條詳注于後

時

生

所錄

無採

無

用

肉及

色

黃

味

甘

性

溫

氣

氣厚於味陽中之陰

治

療日

華

時

子云

止勞劣及世精補

日華子云漆髓補精助陽氣

除腹

中水癖水腫

暖小腸補水臟

陳藏器云益

陽

膏

以一隻理如食法合赤小豆一升同煮俟豆爛即出食之其汁日二夜一每服四合補丈夫陽

氣及冷氣瘦著牀者漸漸食之良若先患骨熱者不可食之。屎合黑豆炒浸酒服主賊風風痺破血

雞子

出神農本經

主除熱火瘡癰瘰可作琥珀神物

以上朱字

神農本經

卵白微寒療目熱赤痛除心下伏熱止煩滿欬

逆小兒下洩婦人產難胞衣不出鹽漬之一宿療黃

疸破大煩熱○卵中白皮主久欬結氣得麻黃紫苑

和服之立已

以上黑字
名醫所錄

地

陶隱居云雞子作琥珀用
鰾卵黃白混雜煮作之亦

極相似惟不拾芥爾又煮白合銀口含須臾其色如金○謹按雞子乃神農之文舊本分注黃雌雞條下

今另立本條蓋由諸色雌雞亦各生子治病所宜稍有區別

時

生無採無
時時

用

黃白

殼白皮

色

紅甘

性

微寒

氣

氣薄味厚
陰中之陽

治

療唐本注云烏
雞卵白解煩

熱○黃雞子一枚濁水攪煮兩沸連水服之主產後

痢藥性論云

雞子液除目赤○黃塗傳漆瘡良煎服

主痢除煩熱鍊之主嘔逆日華子云雞子鎮心安五

臟止驚安胎及懷妊天行有熱痰狂走及男子陰囊

濕痒又開喉聲。穀研摩翳障。別錄云雞子一枚水
煮令外熟內熟吞之療天行嘔逆不下食食之即出
又以一枚打破用水一盞衝之。棧蓋少時服。主婦人
產後口乾舌縮渴不止者。又卒中五尸遁尸其狀腹
脹氣急衝心或礪硯踊起或牽腰脊者。補唐本注云
以卵一枚取白吞之困者搖頭令下。黃雞子益

氣
滄

烏雞子三枚合醋半升好酒二升分為四服微
溫飲之治產後血不止。黃雞子合醋煮空腹

食之療久赤白痢。又以三枚取白和蜜一合生服
療大人小兒發熱。合蠟作煎餅與小兒食止痢。
二枚破於器中合白粉調如稀粥主婦人胎動腰膂
下血。以一枚取白合醋醋如白之半攪和吞之主
產後血閉不下。雞子黃合常山末為丸竹葉煎湯
下治久瘧不瘥。卵合光粉炒乾止小兒疳痢及婦
人陰瘡。又合豆淋酒服治賊風麻痺。又合醋浸
令壞傳疵疢。合蠟炒治疳痢耳鳴耳聾。雞子黃

炒取油和粉傅頭瘡。又五枚合亂髮如雞子許大煎化成汁取傅初生小兒熱瘡甚妙服之去小兒驚熱下痢及痰熱主百病。以一枚去殼分清合荊芥末二錢調服療產後血暈身痙直帶眼口角與目外眇向上牽急不知人者遂**禁**黃雞子動風**忌**雞卵白安功甚敏捷烏雞子尤善**氣不可多食****驚同食**損人獺肉同食成道尸疰和葱食之氣短

白鵝膏

無毒

卵生

白鵝膏主耳卒聾以灌之。○毛主射工水毒。○肉平

利五臟

名醫所錄

地

陶隱居云東川多溪毒養鵝以辟之毛羽亦佳中射工毒者飲血又以塗

身鵝未必食射工蓋以威相制爾乃言鵝不食生蟲今鵝子亦噉蚯蚓**陳藏器云**蒼鵝有毒食蟲白鵝無

毒不食蟲主射工毒當以時生無採無用脂毛色
蒼者良主渴以白者勝時時時肉卵色

白性微氣氣之薄者臭腥治療唐本注云白鵝治消
寒陽中之陰臭腥治渴煮汁飲之。鵝毛

治小兒驚癇極者燒灰治噎疾日華子云蒼鵝糞傳
蛇蟲咬毒。白鵝解五臟熱。脂潤皮膚。尾瞿治

聾耳及耳聾內之亦治手足皴孟詵云脂可合面脂
別錄云鵝羽治誤吞環若指彊者燒數枝末飲服之

。白鵝屎治小兒鵝口補日華子云子補中益
不食乳者汁灌口中愈氣食療云子補五臟瘡瘡尾

灰合酒禁蒼鵝不宜多食發瘡膿及令人解肉解服
服治噎禁易霍亂發痼疾子亦發痼疾解丹石人

毒

鵝肪

無毒附白
鵝屎肉

卵生

鴛肪主風虛寒熱○白鴨屎主殺石藥毒解結縛散

蓄熱○肉補虛除熱和臟腑利水道

名醫所錄
名
刀鴨通

白鴨也
地
行義曰江湖間處處有之陶隱居云鴛即鴨然

家鴨為鴛爾雅云野鳬鴛注云鴨也如此則鳬鴛皆是鴨也又云本經用鴛肪即家鴨也如此所說各不

同其意不定又按唐王勃滕王閣記云落霞與孤鴛齊飛則明知鴛為野鴨也勃乃唐之名儒必有所據

故知鴛為野鴨明矣
時
採九月後
用
脂
色
黃
味
甘
性
大寒
氣
氣之薄者陽中

陰
臭
腥
治
療唐本注云鴨肪治水腫○鴨肉治小兒驚癇○鴨頭治水腫通利小便
日華子

云野鴨消食及治熱毒風并惡瘡癰殺腹臟一切蟲
○家鴨消熱毒利小腸止驚癇及痢綠頭者亦佳○

卵治心腹胸膈熱孟詵云野鴨消十二種蟲平胃氣調中輕身及治身上小熱瘡多年不愈者食之瘥。白鴨肉治小兒頭生瘡腫。糞治熱毒毒痢食療云屎可搗蚯蚓咬瘡別錄云青雄鴨治卒大腹水病以水五升煮取一升飲補日華子云家鴨補虛孟詵云野鴨補中益氣倉鴨盡厚蓋之取汗瘥。肉合葱豉作汁飲之治卒煩熱。鴨糞和雞子白調傅熱毒瘡及腫毒內消。青頭鴨一隻細切和米并五味煮令極熟作粥空腹食之治十種水病不瘥垂死者。白鴨一隻去毛腸湯洗饋半煮飲飯半升以飯薑釀鴨腹中縫合蒸候熟食禁凡鳥自死口不閉之治水氣脹滿浮腫小便澁少者食之殺人黑鴨食之能滑中發冷痢下脚氣鴨卵多食發氣忌鴨卵動冷疾令背膊悶小兒食之脚軟不能行及肉不可合鼈肉同食能害人野鴨解鴨血解諸毒及野病人不可與木耳胡桃豉同食葛毒飲之瘥家鴨

肉解丹毒白鴨屎汁和水調服解
服石藥過劑者及金銀銅鐵毒

鷓鴣無毒

卵生

鷓鴣主嶺南野葛菌毒生金毒及溫瘴久欲死不可

瘥者合毛熬酒漬之生搗取汁服最良

名醫所錄
名越雉隨陽

鳥

地

圖經曰生江南今江西閩廣蜀夔州郡皆有之其形似母雞臆前有白圓點背間有紫赤毛彼

人呼為越雉南越志云鷓鴣雖東西回翔然開翅之始必先南翥故謂之隨陽鳥崔豹古今注云人言其

名自呼此則不然其鳴若云鈞輶格磔即鄭谷所謂相呼相喚湘江曲者是也

時

生無採無時時

用

毛
質

雞類母

色

紫赤

味

甘

性

溫緩

氣

氣厚於味陽也

治

療

圖經曰其脂膏

手可以已癰切徒用豚切步玉補孟詵云肉能補五倉肉

令不龜裂衍義曰肉治瘡臟益心力聰明

酒服治蠱氣禁其自死者忌與竹笋同食解蛇菌

瘡疾欲死者不可食令入小腹脹等毒

鴈肪

無毒

卵生

鴈肪

出神農本經

主風攣拘急偏枯氣不通利久服益氣

不饑輕身耐老

以上朱字神農本經

長毛髮鬚眉

以上黑字名醫所錄

地

圖經曰生江南池澤陶隱居云大曰鴻小曰鴈今鴈

類亦有大小皆同一形然冬則南翔夏則北徂時當

春夏則孳音育於北又別有野鵝大於鴈相似家蒼

鵝謂之鴛音鵝鴈肪自不多有食其肉亦好衍義曰

鴈人多不食者謂其知陰陽之升降分長少之行序

世謂之天厭亦道家之一說爾鴈為陽鳥其義未盡

茲蓋得中和之氣熱則即北寒則即南以就和時生
氣所以為禮幣者一以取其信二以取其和也

無採無時又云冬用肪色白味甘性平氣陽中之陰
時月取者良

臭腥治療唐本注云鴈喉下白毛治小兒癰疾日華
子云鴈肪治風麻痺其毛自落者小兒

帶之療驚癇衍義曰鴈肪治諸風孟補日華子云鴈

詵云鴈膏可合生髮膏及治耳聾肪久食助氣

壯筋骨**滄**骨灰和泔洗頭長髮脂和豆黃作丸補勞
瘦肥白人鴈屎白合人精和傅灸瘡腫痛

鴈肪四兩鍊濾過每日空心合煖酒一盃禁六
一匙頭飲之治風攣拘急偏枯血氣不通利

七月食鴈傷神**解**殺諸石藥毒

魚狗無毒

卵生

魚狗主鰓及魚骨入肉不可出痛甚者燒令黑爲末

頓服之煮取汁飲亦佳

名醫所錄。謹按爾雅云鵙及天狗也穴土爲巢江東

人呼爲水狗埤雅云此鳥知天將雨之鳥也其形小不盈握似燕紺色而長喙短尾居溪曲以自藏匿猶雉分畿雖飛不越分域至春先高作巢及生子愛之恐墮稍下作巢子生毛羽復益愛之又更下巢也亦自銜其毛羽日浴澄澗之間鮮縟可愛或謂之翡翠名前爲翡名後爲翠又云雄赤曰翡雌青曰翠性善捕魚故曰魚師又謂之魚虎其小者謂之翠碧今花工取以爲女人面飾者是也又蟲部一種亦名魚虎但不能翔而形名魚虎魚師天狗出南海及質與此不侔也水狗翠碧鵪地江東今水澤處多時生春採無色翠味鹹性平氣味厚於氣臭有之

腥

製

燒黑爲末
或煮汁用

九種陳藏器餘

鵲蜩注蘇云如蚌鵲按鵲如鶉嘴長色蒼在泥塗間
作鵲鵲聲人取食之如鶉無別餘功蘇恭云如蚌鵲
之相持也新注云取用補虛甚暖村民云田雞所化
亦鵲鶉同類也○鶉蟬注陶云雀鶉蜩范按鶉是小
鳥如鶉之類一名鶉鄭注禮記以鶉爲鶉又云鶉鶉
母也莊子云赤鶉人食之無別功用也○陽鳥鶉注

陶云陽鳥是鸛按二物殊不似陽鳥身黑頸長白殊小鸛嘴主惡蟲咬作瘡者燒爲末酒下亦名陽鴉出建州○鳳凰臺味辛平無毒主勞損積血利血脉安神異志云驚邪癰癩雞癰發熱狂走水磨服之此鳳凰腳下物如白石也鳳雖靈鳥時或來儀候其棲止處掘土二三尺取之狀如圓石白似卵然鳳鳥非梧桐不棲非竹實不食不知棲息那復近地得臺入土正是物有自然之理不可識者今有鳳處未必有竹

有竹處未必有鳳恐是諸國麟鳳洲有之如漢時所貢續絃膠卽煎鳳髓所造有亦曷足怪乎今雞亦有白臺如卵硬中有白無黃云是牡雞所生名爲父公臺本經雞白橐橐字似臺後人寫之誤耳書記云諸天國食鳳卵如此土人食雞卵也○鷦鷯鳥主溪毒砂虱水弩射工蝮短狐蝦鬚等病將鳥來病人邊則能唆人身訖以物承之當有砂石出也其砂卽是含沙射人砂是此蟲之箭也亦可燒屎及毛作灰服之

亦可籠以近人令鳥氣相吸山中水毒處卽生此鳥
當爲食毒蟲所致已前數病大略相似俱是山水間
蟲含沙射影亦有無水處患者防之發夜臥常以手
摩身體覺辣痛處熟視當有赤點如鍼頭急捻之以
芋葉入肉刮却視有細沙石以蒜封瘡頭上不爾少
卽寒熱瘡漸深也其蝦鬚瘡桂嶺獨多著者十活一
二唯有早覺者當用芋草及大芋甘蔗等葉屈角入
肉鈎之深盡根蒜封可差須臾卽根入至骨其拔出

如蝦鬚瘡號蝦鬚瘡有如疔腫最惡者人幽隱處自
餘六病或如瘡及天行初著寒熱亦有瘡出者亦有
無瘡者要當出得砂石遲緩易療不比蝦鬚鸚鵡鳥
如鴨而大眼赤嘴斑好生山溪中○巧婦鳥主婦人
巧吞其卵小於雀在林藪間爲窠窠如小囊袋亦取
其窠燒女人多以燻手令巧爾雅云桃蟲鵪注云桃
雀也俗呼爲巧婦鳥也○英雞味甘溫無毒主益陽
道補虛損令人肥健悅澤能食不患冷常有實氣而

不發也出澤州有石英處常食碎石石英體熱無毛飛
翔不遠人食之取其英之功也如雉尾短腹下毛赤
腸中常有碎石瑛凡鳥食之石入腸必致銷爛終不
出今人以末石瑛飼雞取其卵而食則不如英雞○

駝鳥矢無毒主人中鐵刀入肉食之立銷鳥如駝生
西夷好食鐵末徽中吐火羅獻鳥高七尺如駝鼓翅
行能食鐵也○鵠鵠水鳥人家養之厭火災似鴨綠
衣馴優不去出南方池澤爾雅云鵠鵠音堅也鵠畜之

厭火災博物志云鵙鵙巢於高樹生子穴中銜其母

翅飛下

本草綱目精要卷之二十六

本草品彙精要卷之二十七

禽部中品

三種神農本經

朱字

三種名醫別錄

黑字

八種陳藏器餘

已上總一十四種

雀卵

腦頭血
尿附

鷺屎

石鷺
附

伏翼

天鼠屎

鷹屎白

雉肉

八種陳藏器餘

蒿雀

鷓鴣雞

山菌子

百舌鳥

黃褐侯

鷺雉

鳥目無毒

鷓鴣膏

本草品彙精要卷之二十七

禽部中品

羽蟲

雀卵

無毒附腦
頭血尿

雀卵主下氣男子陰痿不起強之令熱多精有子○

腦平主耳聾○頭血主雀盲○雄雀屎溫療目痛決

癰癰女子帶下溺不利除疝瘕

名醫所錄

名

青丹香並雄雀

白丁

雀蘇黃
小雀地

地

圖經曰舊本不著所出州土今處處有之
謹按埤雅云雀頭如顰蒜目如擘椒物

之至淫者也頭紫頰嘴黑色腮白身尾蒼褐有黑斑相雜其聲嘖嘖不息其行輕捷跳躍不定蓋其性屬陽故也正謂凡動屬火所以

時

生

春

採

五月

取

卯冬

功用能助陰道而益陽也

夏

月

取

肉臘月

取**用**

雄雀屎腦

色

蒼褐

味

酸

性

溫

氣

氣厚於

臭

腥

主

尿

雄雀屎腦

有斑

益精

製

雷公云

雀蘇凡

使勿用

雀兒糞其雀兒口黃

強陰

未經淫者糞是蘇若底作尖在上者是雄兩

頭圓者是雌陰人使雄陽人使雌凡採之先去兩畔

有附子生者勿用然後於鉢中研如粉煎甘草湯浸

一宿傾上清甘草

治

療陶隱居云

頭血治黃昏目無

水盡焙乾任用

所見為之雀盲○雄雀屎治

齩齒痛有蟲以綿裹塞孔中日二三易之日華子云

肉縮小便治血崩帶下

孟詵云腦塗凍瘡

別錄云雄

雀糞治咽喉閉塞口噤細研每服半錢七溫水調下及治諸癰不消已成膿者取塗頭上即破又治小兒

中風口噤食乳不下以雀屎白補唐本注云肉起陽
水丸如麻子大服二丸即愈道食之令人有子

日華子云肉益氣煖腰膝孟詵云肉十月已後倉白卵

正月已前食之續五臟不足助陰道益精髓

合天雄菟絲子末爲丸空心酒下五丸治男子陰痿

不足女子帶下便溺不利除疝瘕決癰腫續五臟氣

○尿合首生男兒乳研如薄泥點目中胛肉赤脉貫

瞳子者即消○合蜜和爲丸飲服之治癥瘕久痢冷

病或和少乾薑服之大肥悅人○臘月收雀屎合乾

薑桂心艾等爲丸治疰瘕諸塊伏梁入腹能爛疰瘕

患癰腫若不潰以一丸傳之立決及治急黃欲死以

二丸細研水溫服之○白丁香半兩擣羅爲末每服

一錢七合溫酒不拘忌雀肉不可與李子同食又妊

時調下治婦人吹妳婦合醬食之令子面上多生

斑點同酒食之

令子心淫亂

鸞屎有小毒

鸞屎主蠱毒鬼疰不祥邪氣破五癰利小便神農本草經

名 鸞鸞 **地** 圖經曰生高山平谷今處處有之陶隱居云鸞有兩種有胡有越紫胸輕小者是越

鸞不入藥用胸斑黑聲大者是胡鸞俗呼為夏侯者是越鸞不入藥用胸斑黑聲大者是胡鸞俗呼為夏侯者是越鸞不入藥用胸斑黑聲大者是胡鸞俗呼為夏侯者是越

是也其作窠喜長人言有容一疋絹者令家富窠亦入藥用與屎同惟抱子處者為佳別錄云一種石鸞

暖無毒在乳穴石洞中冬月採之堪食餘不中食只可治採三月至八月取屎用屎味辛性平氣陽中之陰臭

臭治療陶隱居云胡鸞窠與屎作湯浴小兒驚邪唐本注云胡鸞卵治水腫肉出痔蟲越鸞

屎療痔殺蟲去目醫日華子云石鸞縮小便禦風寒鼠瘻瘟疫氣別錄云胡鸞卵中黃頓吞十枚治卒大

腹水病。胡鷲巢中土水和傳卒得浸淫瘡有汁多發於心不早療周匝身則殺人。鷲屎末以冷水服五錢七治石淋旦服至食時當尿石出。鷲糞一合以水漿二升相和灌之治牛非時喫著雜蟲腹脹滿者補日華子云石鷲壯陽煖腰酒鷲屎取方寸七合酒一升調令患人兩手捧碗當鼻下承取氣治瘧疾慎勿入口毒人。取屎三合熬令香合獨頭蒜十枚去皮和搗為丸如桐子大每服三丸治蠱毒當隨利下而出。鷲巢中土合豬脂苦酒和傳蠅虻尿瘡不速治繞身匝即死

禁鷲肉不可食亦不宜殺之

伏翼無毒

伏翼出神農本經主目瞋痒痛明目夜視有精光久服令

人喜樂媚好無憂

以上朱字
神農本經

療淋利水道

以上黑字
名醫所錄

名

蝙蝠

仙鼠

地

圖經曰

伏翼蝙蝠也出泰山川谷及人家房屋間亦有之蘇恭謂之仙鼠

者在山孔中食諸乳石精汁皆千歲頭上有冠純白大如鳩鵲食之令人肥健長年其大如鷄未白者皆已百歲而並倒懸蓋倒懸者腦重故耳其石乳中者即仙經所謂肉芝是也其屎皆白即下條天鼠屎也然今蝙蝠多生屋中白而大者蓋稀有屎亦少白色者料其出乳石處山中生者當應如此爾衍義曰伏翼白日亦能飛但畏驚鳥不敢出此物善服氣故能壽冬月不食亦可驗也

時

生無採立時夏

後取**收**

乾陰

用

者倒懸

質

有類鼠而

色

黑灰

味

鹹

性

平

氣

氣之薄者陽中

之**臭**

腥

主

清眼目利水道

助

覓實雲實為之使

製

雷公云凡仙鼠重一斤者方採之每

修事先拭去肉上毛去爪腸留翅并肉脚及嘴然後
用酒浸一宿漉出取黃精自然汁塗之炙令乾方用
每修事重一斤一箇用**治**唐本注云天鼠十一月
黃精自然汁五兩爲度**治**十二月取治女人生子
餘疾帶下。腦主女子面皯服之令人不忘。其血
滴目中令人不睡夜中見物**藥性論云**肉治五淋日
華子云肉**治**五月五日取伏翼倒懸者曬乾和桂薰
久服解愁**治**陸香爲末燒之去蚊蟲。伏翼燒爲灰
細研合粥飲調下半錢日四五服治小兒生十餘月
後母又妊令兒精神不爽身體萎痺名爲魃病炙令
香熟嚼之哺兒亦効又除翅足燒令焦末合**禁**非倒
米飲服之治咳嗽上氣諸藥無効久不瘥者**禁**懸者
不可服

天鼠屎

無毒

天鼠屎 出神農本經 主面癰腫皮膚洗洗時痛腹中血氣

破寒熱積聚除驚悸 以上朱字神農本經 去面黑黥 以上黑字名醫所錄

名 石肝 鼠法 夜明 **地** 圖經曰出合浦山谷其屎皆白如沙

中者其屎少有白色恐出山谷中如此又按唐本注云天鼠屎即伏翼屎也伏翼條下不用屎是此明矣

時 採 十月十日 用 屎 **味** 辛 **性** 寒 散 **氣** 氣之薄者 陽中之陰 **臭** 臭 **主** 破積

聚去 反 惡白 歛 製 燒灰入藥 治 療 日華子云夜明 倉 面 疝 白薇 生亦可用 沙炒服治癰癰

天鼠屎燒為灰合酒服方寸匕主子死腹中。夜明沙搗為末每服一大錢合冷茶調下治五瘧立効。

仙鼠屎三兩枚細研以熱酒一升投之取其清酒服治馬撲損痛不可忍者不過二三次即瘥。夜明沙

為散任意拌飯并喫食中食之治一歲至二歲小兒無辜二歲號乾無辜

鷹屎白有毒

鷹屎白主傷撻滅癰

名醫所錄。謹按鷹之為物其目如電其嘴如鈎劒翎鐵爪勢

力勇健有降伏百鳥之威乃羽蟲中猛烈者也故取以辟邪魅其搏啖快利所以食哽之疾用之乃物類

之相制此哲人格致之理斯可見矣

名

鷹

時

採無時用

頭嘴爪肉

色

白性

平微寒

氣

氣之薄者陽中之陰

臭

臭

主

惡中

治

療

陳藏器云肉食之主邪魅野狐魅。

嘴及爪主五痔狐魅燒為末服之別錄云治

食哽以鷹屎燒末服方寸七虎狼鵬屎亦得

倉

頭燒灰合

米飲服之主五痔。眼睛合乳汁研之夜三注眼中三日見碧霄中物忌煙薰。黃鷹屎白一錢合密陀

僧一兩船上硫黃一分丁香二十一箇爲末每服一
字治小兒妳癖三歲已上半錢用乳汁或白麵湯調
下並不轉瀉一伏時取下青黑物後服補藥酸石榴
皮半兩炙黑色蚬蚶一分米香一分麝香半錢同爲
末每服一字溫薄酒調下併喫二服凡小兒脇下硬
如有物乃是癖氣俗謂之妳脾只服溫脾化積氣丸
藥不可取瀉無不愈也取之多失○鷹屎白獨用不
能滅癥須合諸藥彊蠶衣魚之屬爲膏則有驗也

雉

無毒日華子云
有小毒附白鵠

卵生

雉肉主補中益氣力止洩痢除蟻癭

名醫

名

山雞
翟山雞

野地

圖經曰

本經不載所出州土今南北皆有之類
家雞而尾長頂具朱冠羽分五彩周禮庖人供

六禽而雉居其一亦食品之貴者爾雅所載雉名尤
多今人鮮能盡識江淮伊洛間一種尾長而小者爲

山雞人多畜之樊中所謂翟山雞也江南又一種毛白而背有細黑文名曰白鷓亦堪畜養彼人食其肉

亦雉之類其餘不復用也衍義曰其飛若矢一往而墮故今人取其尾置船車上意欲取其快速之義也

時 **生** 冬 **採** 秋 **冬** **用** 肉 **質** 類家雞尾長 **味** 酸 **性** 微 **氣** 厚

於氣 **治** 療 唐本注云肉治諸癭瘡別錄云主五臟氣陰也喘不得息者効作餽飽食治產後下痢腰

腹痛 **倉** 和鹽豉作羹食之治消渴飲水無度小便多口乾渴野雞一隻如食法細切合橘皮椒葱鹽

醬調和作餽飽煮熟空心食之治脾胃氣虛下痢日夜不止腸滑不下食 **禁** 九月至十一

補他月有毒食之發五痔及諸瘡 **忌** 不可與胡桃菌芥自死足爪不伸者食之殺人 蕈木耳豉之類

同食令人發頭風及心痛亦發痔疾立下血與蕎麥麵同食生肥蟲卵與葱同食生寸白蟲

八種陳藏器餘

蒿雀味甘溫無毒食之益陽道取其腦塗凍瘡手足
不皸似雀青黑在蒿間塞外彌多食之美於諸雀塞
北突厥雀如雀身赤從北來當有賊下邊人候之食
其肉極熱補益人也○鷓鴣雞味甘無毒食肉令人勇
健出上黨魏武帝賦云鷓鴣雞猛氣其鬪終無負期於
必死今人以鷓曷渴爲冠像此也○山菌子味甘平
二音無毒主野雞病殺蟲煮炙食之生江東山林間如小

雞無尾○百舌鳥主蟲咬炙食之亦主小兒久不語
又取其窠及糞塗蟲咬處今之鶯一名反舌也○黃
褐侯味甘平無毒主蟻癭惡瘡五味淹炙食之極美
如鳩作綠褐色聲如小兒吹竽○鶯鳩主火災天竺
法真登羅山疏云山海經曰鶯鳩養之穰火災如雉
五色○鳥目無毒生吞之令人見諸魅或以目睛研
注目中夜見鬼也肉及卵食之令人昏忘毛把之亦
然未必昏爲其臭羶○鵯扶屠反鵯天黎反膏主耳聾滴

耳中又主刀劒令不鏽以膏塗之水鳥也如鳩鴨脚
連尾不能陸行常在水中人至卽沉或擊之便起爾
雅云膏主堪瑩劒續英華詩云馬銜苜蓿葉劒瑩鵬
鵬膏是也

本草品彙精要卷之二十八

禽部下品

五種名醫別錄

黑字

一種唐本先附

注云唐附

一十三種宋本先附

注云宋附

四種今補

八種陳藏器餘

已上總三十一種

白鶴

附宋

孔雀

鴟

尺脂切

頭

鷓鴣

附宋

斑鶴

宋附青鶴附

烏鴉

附宋

練鵲

附宋

鳩鵲

唐附

雄鵲

鷓鴣屎

附頭

鵲骨

白鴿

附宋

百勞

附宋

鶉

宋附

啄木鳥

附宋

慈鴉

附宋

鶻嘲

鶻鵲

附宋

鴛鴦

附宋

天鵝

今補

鴛

今補

鷓鴣

今補

水鴛

今補

八種陳藏器餘

布穀脚腦骨

蚊母鳥

杜鵑

鴉目

鉤鵠

姑獲

鬼車

諸鳥有毒

本草品彙精要卷之二十八

禽部下品

羽蟲

白鶴

無毒

卵生

白鶴血主益氣力補勞乏去風益肺○肫中砂石子

磨服治蠱毒邪

名醫所錄

名

胎禽

地

圖經曰生青田及揚州今處處有之其形似鶴

而大疎身高脚頂丹身白項有烏帶翼末有黑羽其
喉清亮遠聞數里小雅云鶴鳴于九臯聲聞于野是
也然有玄有黃有白有蒼白者堪用餘者次之穆天
子傳云天子至巨蒐二氏獻白鶴之血以飲天子注

云血益
人氣力
時生無採無色白味鹹性平氣味厚於氣臭

腥

孔雀屎

日華子云
孔雀微毒

孔雀屎主女子帶下小便不利

名醫所錄

地

陶隱居云出廣益諸州方

家不見用

唐本注云

交廣有劍南元無其屎堪入藥

用。謹按埤雅云孔雀不必配合止以音影相接便

孕亦與蛇偶禽經曰鵲見蛇則噪而賁孔雀見蛇則

婉而躍博物志云孔雀尾多變色或紅或黃喻如雲

霞其色無定人拍其尾則舞尾有金翠五年之後成

始生三年金翠尚小初春乃生三四月後復凋其金

翠亦與花萼同衰榮也其類有雌有雄雌者不冠尾

短而無金翠雄者有冠尾長而多金翠其性頗妒忌

自矜其尾雖馴養已久遇婦人童子服錦彩者必逐而啄之每欲山棲先擇置尾之地欲生捕者候雨甚往擒之因其尾沾雨重不能高翔人雖至且愛其尾不復騫揚也人採其尾以飾扇惟生取則金翠之色不減南人取其尾者持刀預潛隱於叢竹處伺過即斬其尾若不即斷回頭一顧金翠無復光彩矣生無採無用尿血色青味鹹性尿微寒氣味厚於臭
時無採無用尿血色青味鹹性尿微寒氣味厚於臭
製 研細 **治** 療日華子云糞治崩 **禁** 尾入人眼則腎中帶下及傳惡瘡入人耳則聾
解 肉解藥毒蠱毒 血生飲之解毒藥

鴟頭 無毒

卯生

鴟頭主頭風眩顛倒癰疾 名醫錄名 鴟休 雙 地 謹按
 所錄名 鴟休 雙 地 謹按
 鴟頭主頭風眩顛倒癰疾 名醫錄名 鴟休 雙 地 謹按

云怪鴟即鴟鵂也。猫目燕頰似鷹而白其鳴即雨爲
罔可以聚諸鳥。晝無所見夜則飛噉蚊蟲鴟服鬼車
之類。莊子所謂鴟鵂夜撮蚤察毫末晝則瞑目而不
見丘山。藍田呂氏曰惡聲之驚鳥也。有鴟萃止翮彼
飛鴟爲梟爲鴟此亦梟之類爾。本
經不載所出州土今處處有之。
平 味厚於氣
氣 陰中之陽
治 療食療云肉
倉 飛鴟頭二枚合鉛
和蜜丸食後三
丸治癰癤惡瘰

鴟鵂 無毒

卵生

鴟鵂主食之去驚邪及短狐毒亦可養以辟之

名醫所錄

地

圖經曰鴟鵂五色尾有毛如船柁小於鴟臨海異
物志曰鴟鵂水鳥食短狐蓋短狐即史記云蜮其

形似鸞含沙射人爲害者。謹按埤雅云沈約郊居賦所謂秋鷺寒鷺脩鷺短鷺是也。性食短狐在山澤中無復毒氣故淮賦云鷺鷥尋邪而逐害此鳥蓋溪中之勅邪逐害者故以名之如鷺之步罡鷺之畫印鷺鷥之勅螺贏之祝皆物之有術智者也然其溪游雄者左雌者右雖群伍皆有式度也

採

無時

用

肉

味

甘

性

緩平

氣

氣厚於

味

陽中之陰

臭

腥

時

生

無時

斑鷓

無毒附青鷓

卯生

斑鷓主明目多食其肉益氣助陰陽○又有青鷓平

無毒安五臟助氣虛損排膿治血并一切瘡癰癰癰

名醫所錄

名

斑鷓

布穀

地

圖經曰

處處有之

春分則化

爲斑鷓

秋分則化

爲斑鷓

化

行義曰斑鵒即斑鳩也其性拙不能為巢詩云維鵒有巢維鳩居之正謂此也然有斑者有無斑者有灰色者有小者有大者雖有此數色其用則一也經云能化人嘗養之數年並不見其春秋分化也

生春夏採無時用肉色灰味甘性平氣厚於味臭腥

生春夏採無時用肉色灰味甘性平氣厚於味臭腥

治

補行義曰久病虛損人食之補氣

損人食之補氣

烏鴉

無毒

卯生

烏鴉治瘦欬嗽骨蒸勞臘月瓦甓泥煨燒為灰飲下

治小兒癰及鬼魅○目睛注目中通治目

名醫所錄地經圖

曰舊不著所出州土今在處有之○謹按此鳥大於慈烏身喙盡黑其鳴啞啞故名之烏鴉也格物論云

一種大喙白頸者南人謂之鬼雀其聲惡而致人所憎故俗以吉凶占之也

取用翅羽嘴質類慈烏色黑味酸平氣味厚於臭

腥主小兒風癰大人骨蒸製燒灰治療別錄云鴉頭治土蜂癰

翅羽七枚燒末合酒服治從高墮下瘀血脹心面青短氣者當吐出血即愈。烏鴉以臘月取翅羽嘴足

全者泥告固濟大火燒鍛入藥治急風

練鵲無毒

卵生

練鵲益氣治風疾冬春間取細剉炒令香袋盛於酒

中浸每朝取酒溫服之名醫所錄地出州土今山林間處

處有之形似鸚鵡眼赤而小雄者色白雌則灰褐其尾俱長觜脚盡紅項領微翠常與鴉鵲群飛人以網得之入藥唯食槐子者良

時生無採冬春**質**類鸚鵡**色**灰**味**甘**性**平

氣氣之厚**臭**腥**製**細剉炒令香用

鴿鴿 無毒 卯生

鴿鴿肉主五痔止血炙食或為散飲服之

名醫所錄**地**唐本

注云舊本不著所出州土江南多有之此鳥似鴿而有憤黑身金眼翹翎有白人於端午以東壁土撚其

舌能效人言也**時**生無採臘月臘**用**肉**質**類鴿而**色**黑**味**甘

性平**氣**氣厚味薄**臭**腥**主**止吃噫除久嗽**製**食療云作羹**治**

療日華子云肉治老嗽及吃噫

下氣須臘月取者炙食之

含臘月臘日取鵲鵲炙擣為末合白蜜

丸服之治老嗽不瘥非臘日得者不堪用
目睛合乳汁研點眼甚明能見雲外之物

雄鵲 無毒

卵生

雄鵲主石淋消結熱

名 飛駿

地 圖經曰舊不著

所出州土今在

處有之每遇冬至架巢春乃成之其巢最為完固此
鳥不交惟是傳枝感氣育卵而生也用之燒作灰以
石投中散解者是雄也陶隱居云鳥之雌雄難別舊
云其翼左覆右者是雄右覆左者是雌又燒羽作屑
內水中沉者是雄浮者是雌今云投石恐止是鵲
也餘鳥未必爾其腦五月五日取之亦入術家用
生 春採無肉色黑味甘性寒氣之薄者臭腥主
夏 時用腦白味性寒氣之薄者臭腥主

消渴製燒灰或淋汁用治療圖經曰肉治風及大小腸澀四肢

下石淋燒作灰淋取汁飲之日華子云肉治消渴疾
○鵲巢多年者燒灰療癰狂鬼魅及蠱毒亦傳瘰瘡

禁

婦人不
可食

鸕鷀屎

有毒
附頭

鸕鷀屎主去面黑野靨誌○頭微寒主鯁及噎燒服

之

名醫
所錄

名

蜀水
花

地

圖經曰
皆有之

此舊不載所出州土今水鄉
皆鳥胎生從口中吐雛如

兎子類故杜臺卿淮賦云鸕鷀吐雛於八九鵲鵲銜
翼而低昂是也產婦臨蓐令執之則易生其屎多在
山石上紫色如花就石上刮取用之本經名蜀水花
而唐之面膏方有用鸕鷀屎又用蜀水花者安得一

物而兩用未知其的別有一種似鸛鷀而頭細背長頂上有白者名曰白鮫不堪藥用衍義曰此鳥不卵生口吐其雛今人謂之水老鷄巢於大木群集宿處常久則木枯以其糞毒也懷妊者不敢食蓋為口吐其雛又云執之易產二說相戾嘗官於澧州公宇後有大木一株其上有三四十巢日夕觀之既能交合兼有卵殼布地其色碧豈得雛吐口中是未目及蓋傳聞之誤也
時 生無採無用 尿

色 紫 **性** 冷 **氣** 氣之薄者 **臭** 腥 **製** 研細 **治** 療陶隱居云骨治魚骨

鯁 別錄云糞燒灰水 **倉** 糞和脂油調傅面癰疵及湯服方寸匕能斷酒 火瘡痕并疥瘡。尿乾碾為

末炙豬肉點與小兒嗽之治疳蚘。糞一 **禁** 肉懷妊合研以臘月豬脂和每夜傅鼻面酒皸皰 不宜食

鸛骨 無毒

鶴骨主鬼蠱諸疰毒五尸心腹疾

名醫所錄地陶隱居云鶴有兩種

似鶴而巢樹者為白鶴黑色曲頸者為烏鶴入藥以

白者良行義曰其巢棲殿吻上亦有鶴頭無丹項烏

帶身如鶴者是惟不善生春採無

啖但以喙相繫而鳴也時夏時**用**骨觜**色**白**味**

甘**性**大寒**氣**氣之薄者**臭**腥**治**療陶隱居云脚骨及觜

及小兒閃痹大腹痞滿並煮倉骨炙令黃末空心合

汁服之燒為黑灰飲服亦佳煖酒服方寸匕治尸

疰鬼疰

腹痛

白鴿無毒

卯生

白鴿肉主解諸藥毒及人馬久患疥○尿主馬疥一

云

擣爲末和草飼之又云鵲鴿暖無毒調精益氣治惡

瘡疥并風瘙白癩癰瘍風炒酒服傅驢馬疥瘡亦可

地

圖經曰舊不著所出州土今處處有之此鳥

地

類鳩而大畜之能馴携至數十里縱之亦能

抵家乃禽中之靈者也其種羽色品類尤多而以純白者堪入藥用一種野鴿其形不殊但集巢於寺觀

樓閣上其性不受人畜所謂左寺生無採無用肉質

盤龍者是其屎也風藥多用之

類鳩

色

白

味

碱

性

平

氣

味

中厚

於

陽氣



腥

台

療

別

禿錄

一云

而大

以糞擣羅爲散先以醋書白鴿屎五合以好醋和如

米泔洗了傅之立瘥
 稀膏煮三兩沸日三傅之

金

稀膏煮三兩沸日三傳之

治頭極痒不痛生瘡者。白鴿毛糞燒灰以飲和服之治蠱。白花鴿一隻切作小餅合土蘇煎含嚥汁治消渴飲水不知足。野鴿糞一兩炒微焦合麝香別研白朮各一分赤芍藥青木香各半兩柴胡三分延胡索一兩炒赤色去薄皮七物同爲末溫無灰酒空心調一錢服治帶下排膿候膿盡卽止後服仍以他藥補血臟
禁病者食之雖益恐多食減藥力
解一切藥毒

百勞

卯生

百勞毛主小兒繼病繼病母有娠乳兒兒有病如瘡痢他日亦相繼腹大或差或發他人相近亦能相繼北人未識此病懷妊者取毛帶之又取其蹋枝鞭小

兒令速語

名醫所錄

名

鵲

博勞伯趙

地

圖經曰舊不著所出州土今處處有之鄭

禮注云鵲博勞也其飛不能翱翔但竦翅上下而已月令鵲始鳴應陰氣之動陽氣為仁義陰氣為殘賊伯勞賊害之鳥也其聲鵲鵲故因其音而名之詩曰七月鳴鵲八月載績蓋倉庚知分鳴鵲知至故陽氣分而倉庚鳴可蠶之候也陰氣至而鵲鳴可績之候也或曰鵲鳴在上蛇盤不動鵲鳴在上蜩反不行金得伯勞之血則昏鐵得鵲鷄之膏則瑩石得鵲髓則化銀得雉糞則枯凡物之相制有如此也

時

生

春採無時

用

毛

性

平

氣

氣之薄者陽中之陰

臭

腥

鵲

無毒

卯生

鵲主補五臟益中續氣實筋骨耐寒溫消結熱小豆

和生薑煮食之止洩痢酥煎食令人下焦肥四月勿

食蝦蟆化為也

名醫所錄

名

羅鶉

白唐

地

別錄云

鶉有兩

種有丹有白江

北田野處皆有之此鳥性淳慤不越橫草若遇小草橫於前即旋行避礙以其性淳厚之易熟故曰鶉也然鶉無常居而有常匹詩云鶉之奔奔言能不亂其匹本經云四月已前不宜食鶉以其蛙變故耳是時雨水絕無蛙聲人有得於水次者半為蛙張湛注云事見墨子斯不謬矣月令云田鼠化為鴽素問云鴽鶉也蓋物之變非一揆也衍義曰鶉有雌雄從卵生何言化也其說甚容易嘗於田野屢得其卵初生謂之羅鶉至初秋謂之早秋中秋已後謂之白唐然一物四名當悉書之

時

生夏

採冬

用

肉

色

赤黃

味

甘

性

溫平

氣

氣厚於味

陽中之陰

臭

腥

治

療衍義曰

治小兒

患疳及下痢五
色旦食之有效
忌與豬肉同食令人生小
黑子
和菌子食之令人發痔

啄木鳥

無毒

卯生

啄木鳥主痔瘻及牙齒疳蠶蚰牙

名醫所錄

地

圖經曰啄木即鴝鳥

也有大有小有褐有斑褐者是雌斑者是雄剛爪利
嘴舌長寸餘而有利鍼穿木食蠹俗云此鳥善爲禁
法能曲爪書地爲印則穴之塞自開飛輒以翼墁之
此乃物之有智術者也今人鼠竊用其印以發局鑰
荆楚歲時記云野人以五月五日得啄木貨之主齒
痛古今異傳云本雷公採藥吏化爲此鳥淮南子云
斲木愈齟信哉又有青黑者黑者頭上有
紅毛生山中土人呼爲山啄木大如鵲也
時生無採
無**用**肉**性**平**氣**氣之薄者**臭**腥**主**齒痛**製**燒灰研**治**療

別錄云其舌尖治蛀牙有孔疼痛用綿裹咬於患處○啄木鳥燒爲末內艸牙孔中不過三次卽愈
啄木一隻燒灰合酒下二錢
治瘰有頭膿水出不止者

慈鴉 無毒

卯生

慈鴉補勞治瘰助氣止欬嗽骨蒸羸弱者和五味淹

炙食之良

名醫所錄

名

慈鴉

地

圖經曰舊本不著所出州土今處處有之惟北地極

多此鳥似鳥而小多集群飛作鴉鴉聲而能反哺故名慈鴉其肉不作膾臭卽今之寒鴉也○謹按埤雅云純黑而反哺者謂之鳥小而腹下白不反哺者謂之雅鳥白項而群飛者謂之燕鳥也

用

肉目睛

質

類鳥鴉而小

色

黑

味

酸鹹

性

平

氣

味厚於氣陰也

臭

腥

主

止嗽補羸弱

倉

合五味醃炙食之
治瘦病咳嗽骨蒸

鵲嘲

卯生

鵲嘲主助氣益脾胃頭風目眩煮炙食之頓盡一枚

至驗

名醫所錄

名

鵲鵲鵲

鵲鵲鵲

地

圖經曰其鳥南北皆有似鵲尾短黃色多聲在深林

間飛翔不遠北人名鵲鵲東京賦云鵲嘲春鳴或呼爲骨鵲也。謹按埤雅云鵲拳堅處大如彈丸俯擊鳩鵲食之鳩鵲中其拳隨空中卽側身自下承之捷於鷹隼舊言鵲有義性杜甫所賦義鵲行是也冬撮鳥之盈握者夜以燠其爪掌左右易之旦卽縱去其在東矣則是日不東嚮博物南北亦然蓋其義性有擒有縱如此凡鳥朝鳴曰嘲夜鳴曰鵲禽經曰林棲之鳥多朝鳴水宿之鳥多夜叫此鳥朝鳴故謂之鵲

嘲也時生春採無用肉質類鵲而色灰味鹹性平氣厚

於氣陰臭腥主頭風製煮炙治療圖經曰肉治江東中之陽目眩

先從兩項邊筋起直上入頭目眩頭悶者是

鵜鵠

卯生

鵜鵠嘴主赤白久痢成疳者燒爲黑末服一方寸七

名醫錄名逃地圖經曰舊不載所出州土今江北水澤所錄河地間皆有之此鳥大如蒼鵝頤下有皮袋

容數升物展縮由袋中盛水以養魚其性好群飛沉水食魚若遇小澤有魚各以頤下胡去水令水竭魚露乃共食之身是水沫惟胸前有兩塊肉如拳云昔人竊肉入河化爲此鳥今猶有肉因名逃河詩云維

鵪在梁不濡其味切竹救鄭云鵪鵪味喙也言時生春夏

採無時收油以諸器不能盛貯惟以此用嘴及質鵪類蒼

大領下有囊色灰味鹹性平氣味厚於氣臭腥製嘴燒灰

鴛鴦有毒 卯生

鴛鴦肉主諸癰疥癬病以酒浸炙令熟傳瘡上冷更

易名醫所錄。謹按格物論云鴛鴦文禽也類鳧毛

一則一相思而死故謂之匹鳥也名匹鳥時生春採無用肉質

類鳧色彩味鹹性平氣味厚於氣臭腥治療食食療云肉

人美麗及治夫婦不和作羹臠私與食之立相愛也別錄云鄧木鳥治齒痛
瘻瘡○鴛鴦一隻煮令極熟細細切合瘻瘡作羹亦妙
禁肉多食令五味醋食之治五痔瘻瘡人患大風

天鵝無毒

卵生

天鵝主補中益氣

今補**地**謹按此種出江淮間水澤處多有之狀似家鵝而大嘴黑

頂黃其頸細長足黑毛白俗謂之金頭鵝以大者為上小者次之又有花者亦有不能鳴者飛則翎響其

肉微腥皆不及金頭為勝也

時

生春採夏時

用

肉

色

白

味

甘

性

熱

氣

氣之厚腥者陽也**臭**

鵝無毒

卵生

鵠肉主補益人

今補。謹按埤雅云此鳥似鴈而足無後指亦無舌性不木止毛有豹文

故名獨豹肉雖麕而味美遇驚鳥能激糞禦之著其毛悉脫其群居如鴈自然而有行列詩曰肅肅鵠羽

集于苞桑是也

時

生

春

採

無

用

肉

色

斑

味

甘

性

平

氣

氣厚於味陽中

之臭腥

鵠鵠

無毒

卵生

鵠主補中益氣食之甚有益人。髓味甘美補精

髓

今補地

謹按此鳥舊本不載今考其形似鶴而小灰色赤頰項有白帶然有數種有白鵠鵠黑頭

鵠鵠胡鵠鵠其味皆不同也今處處田澤中有之

時

生

春

採

無

用

肉

質

類鶴而小

色灰 味甘 性溫 氣氣之厚 臭腥 製炙食之
褐甘 味甘 性溫 氣氣之厚 臭腥 製炙食之
味甘 性溫 氣氣之厚 臭腥 製炙食之
味甘 性溫 氣氣之厚 臭腥 製炙食之

水鷺無毒 卵生

水鷺主補中益氣宜炙食甚美今補 地謹按舊本不載

田多有之其形似水雞小而尖喙長頸時無採無
短尾蒼赤色飛躍水面能捕魚食者也時無採無

用肉 色蒼 味甘 性平 氣氣之薄者 臭腥
赤甘 色蒼 味甘 性平 氣氣之薄者 臭腥
赤甘 色蒼 味甘 性平 氣氣之薄者 臭腥
赤甘 色蒼 味甘 性平 氣氣之薄者 臭腥

八種陳藏器餘

布穀脚腦骨令人夫妻相愛五月五日收帶之各一

男左女右云置水中自能相隨又江東呼爲郭公北

人云撥穀一名獲穀似鷄長尾爾雅云鳴鳩注云今之布穀也牝牡飛鳴以翼相拂禮記云鳴鳩拂其羽鄭注云飛且翼相擊○蚊母鳥翅主作扇蚊卽去矣鳥大如雞黑色生南方池澤茹蘆中其聲如人嘔吐每口中吐出蚊一二升爾雅云鷦蚊母注云常說常吐蚊蚊雖是惡水中蟲羽化所生然亦有蚊母吐之猶如塞北有蚊母草嶺南有蠱母草江東有蚊母鳥此三物異類而同功也○杜鵑初鳴先聞者主離別

學其聲令人吐血於廁溷上聞者不祥厭之法當爲
狗聲以應之俗作此說按荆楚歲時記亦云有此言
乃復古今相會鳥小似鷄鳴呼不已蜀王本記云杜
宇爲望帝淫其臣鼈靈妻乃以去蜀人謂之望帝異
苑云杜鵑先鳴者則人不敢學其聲有人山行見一
群聊學之嘔血便殞楚詞云鷓鴣鳴而草木不芳人
云口出血聲始止故有嘔血之事也○鷓鴣目無毒吞
之令人夜中見物又食其肉主鼠瘻古人重其炙固

當肥美內則云鵲鵲眸其一名梟一名鵲吳人呼爲
魘魂惡聲鳥也賈誼云鵲似鵲其實一物入室主人
當去此鳥盛午不見物夜則飛行常入人家捕鼠周
禮若族氏掌覆妖鳥之巢注云惡鳴之鳥若鵲鵲也

○鉤鵲

音革

入城城空入宅宅空怪鳥也常在一處則

無若聞其聲如笑者宜速去之鳥似鵲有角夜飛晝
伏爾雅云鵲鵲欺注云江東人呼謂之鉤鵲北土有
訓胡二物相似抑亦有其類訓胡聲呼其名兩目如

猫兒大於鵯鵊乃云作笑聲當有人死又有鵯鵊亦是其類微小而黃夜能入人家拾人手爪知人吉凶張司空云鵯鵊夜鳴人剪爪棄露地鳥拾之知吉凶鳴則有殃五行書云除手爪埋之戶內恐此鳥得之也爾雅云鵯鵊欺人獲之者於喙中猶有爪甲莊子云鵯鵊夜撮蚤察毫釐晝則瞑目不見丘山言殊性也○姑獲能收人魂魄今人一云乳母鳥言產婦死變化作之能取人之子以爲己子胸前有兩乳玄中

記云姑獲一名天帝少女一名隱飛一名夜行遊女
好取人小兒養之有小子之家則血點其衣以爲誌
今時人小兒衣不欲夜露者爲此也時人亦名鬼鳥
荆楚歲時記云姑獲一名鉤星衣毛爲鳥脫毛爲女
左傳云鳥鳴于亳杜注云譖譖音希是也周禮庭氏以
救日之弓救月之矢射之卽此鳥也○鬼車晦暝則
飛鳴能入人室收人冤氣一名鬼鳥此鳥昔有十首
一首爲犬所噬今猶餘九首其一常下血滴人家則

凶夜聞其飛鳴則捩狗耳猶言其畏狗也一名九頭
鳥荆楚歲時記云姑獲夜鳴聞則捩耳乃非姑獲也
鬼車鳥耳二鳥相似故有此同白澤圖云蒼鷗昔孔
子與子夏所見故歌之其圖九首○諸鳥有毒凡鳥
自死目不閉者勿食鴨目白者殺人鳥三足四距殺
人鳥六指不可食鳥死足不伸不可食白鳥玄首玄
鳥白首不可食卵有八字不可食婦人妊娠食雀腦
令子雀目凡鳥飛投人其口中必有物拔毛放之吉

也

本草品彙精要卷之二十八